

Rudy a yama Nel te na China pa protesta

Proximo pelea den Gobierno: Rudy v.s. Ramon!

*Nel mester splica Rudy asunto di Rudy y Caya Grandi

*Rudy no sa nada di acuerdo nobo pa stranheronan

ORANJESTAD(AAN)— Rudy Croes a bolbe for di exterior! Y cu Rudy un ola di turbulencia. Por bay spera cu por lo pronto Ministronan, si nan casualmente nan tur ta na Aruba na mes momento, lo mester bay splica uno un que otro. Ramon por cuminsa lubida su plannan pa Instituto di Cultura; Nel muestra Rudy kico Rudy sa di Caya Grandi y Rudy no sa nada di e acuerdo cu Nel y Booshi a firma cu Hulanda pa loke ta trata stranheronan! Pa colmo Hirsch Balin, e persona tras di e arcglo nobo y bau supervision Hulandes pa stranheronan, a elogia Rudy Croes na Hulanda. Y tur esaki mientras Rudy no kier a papia mes, algun luna pasa cu Hirsch Balin.

Tin basta problema pa resolve pa Pueblo, pero esey lo mester warda un rato. Por lo pronto por comprende cu Rudy Croes, cu a bolbe Aruba sano y salvo aunke e tabata tin hopi hende preocupa cu su ausencia despues di su viahe pa Hulanda, lo tin hopi cos di regla cu su coleganan den Gobierno.

Di regreso na Aruba, Rudy Croes por a tuma nota cuanto cos a pasa. Pa cuminsa e no

por tuma e 15 agentenan policial nobo den servicio. Un situacion hopi serio pa Rudy, cu a kere cu poniendo 15 hende cada vez den Polis, e por a soluciona e problema di scarcedad di personal den Polis. Pero e no ta bay. E no a haya placa y pesey el a bira furioso ora el a tende cu Ramon ta bay tuma mas personal cu e renovacion a la Ramon di Instituto di Cultura.

Rudy, cu personalmente a bisa DIARIO algun tempo pasa cu si tin di mas personal den Gobierno, mester manda esnan cu no ta traha cas, ayera a acusa esnan cu ta bisa cu Gobierno a tuma mucho hende den servicio pasobra nan ta culpabel pa e personeelstop severo, cu ta haci cu e no por tuma hende den servicio pa Polis,

mientras e tin dos seccion cera na Prison cu ta yen y pa colmo tambe mester di bombero.

El a muestra con el a "bringa" cu Nelson Oduber y Nil Swaen y hasta ora Nelson Oduber tabata na China, Rudy a yame pa atende e asunto, cu no a worde regla. Talvez na e momento Oduber tabata papia Chines so!

Ramon Lee mester cuminsa biba cu e idea cu e por lubida ta su plan. Ta siete Ministro mester aproba kende ta tuma den servicio y Rudy no ta bay yuda pa Ramon si tuma hende den servicio mientras e no por. Palabra firme y skerpi Rudy a usa ora el a tende, pasobra e no sa di nada cu a pasa ora e tabata un caminda na mundo, pa loke ta trata e plan di Ramon Lee,

cu el a dirigi inmediatamente pa santana pa loke ta trata su persona.

Loke tampoco Rudy Croes tabata sa ta, cu Hulanda a yega na un acuerdo cu Booshi Wever y Nelson Oduber y cu tin cambio den e forma cu asuntonan di stranhero lo worde atendi y lo resorta bau su Ministro Presidente, Nelson Oduber. Rudy Croes, cu su firmeza di semper a muestra cu IASA, cu ta cay bau su Ministerio no ta bay cay den e cadena cu Hulanda y Nel/Booshi a hinke aden y cu si e por coopera pero cu IASA no ta cay den e cadena. Con e lo bay contra e protocol cu su Gobierno a firma cu Hulanda, cu a pone asuntonan di stranhero bao curatela, Rudy Croes no por a bisa pasobra e no tabata sa

di nada.

Nada mes e no sa. Por ehempel e no por comprende pakico Nel ta bisa pa bay puntra Rudy ora ta trata di e proyecto di Caya Grandi. El a bisa cu e proyecto a worde presenta na henter Consejo di ministronan. Aunke, manera DIARIO a relata, tabata Rudy cu a bisa cu hunto cu algun comerciante e ta bay restablece e centro di ciudad pero despues e comerciantenan mes a bisa cu nan kier atende cu Marisol, Rudy no por comprende kico Nel Oduber ta manda hende bay puntra Rudy Croes.

Den e proximo diano, e Ministronan cu tabata na diferente parti di mundo y pesey talvez no a topa otro pa discuti plannan, lo mester aclarea un que otro na otro. Pasobra ta fastioso pa un Ministro haya su mes den e situacion di Rudy Croes cu mester a yama Nelson Oduber te na China y despues a desaparece pa cantidad di desaroyo tuma lugar sin cu e tabata sa pasobra e no tabata tey!

TELEFONNAN DI DIARIO
582-6747- FAX 582-8551

MOBINGO LUBINGO!!



**BEST
DEAL**

Tel: 5827100

(Pariba di Aruba Bank, Paradera)

Sticker Book



cuminsando for
Afl. 1,=